



Broj: 03-04-02-22884/23
Sarajevo, 18.05.2023. godine

SKUPŠTINA KANTONA SARAJEVO
gosp. Elvedin Okerić, predsjedavajući Skupštine Kantona Sarajevo

PREDMET: Odgovor na zastupničku inicijativu zastupnice Mersihe Mehmedagić, dostavlja se –

VEZA: Akt Skupštine Kantona Sarajevo, broj: 01-04-13651-24/23 od 05.05.2023. godine

Zastupnica Mersiha Mehmedagić je u skladu sa članom 213. stav (1) Poslovnika Skupštine Kantona Sarajevo ("Službene novine Kantona Sarajevo", br. 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka), na Sedmoj radnoj sjednici Skupštine Kantona Sarajevo, održanoj dana 19.04.2023. godine, u okviru tačke Dnevnog reda "Poslanička/zastupnička pitanja, inicijative i odgovori", uputila zastupničku inicijativu kako slijedi:

"Podnosim inicijativu za uspostavljanje web portala za potrebe učešća građana elektronskim putem u javnim raspravama pri donošenju zakona po uzoru na portal Vlade Republike Hrvatske <https://savjetovanja.gov.hr>".

S tim u vezi, Ministarstvo pravde i uprave dostavlja sljedeći odgovor:

Ministarstvo pravde i uprave ističe da bi se uspostavljanjem jedinstvenog web portala za potrebe provođenja konsultacija, odnosno javnih rasprava pri donošenju zakona, na način kako je navedeno u predmetnoj inicijativi, omogućilo efikasnije učestvovanje zainteresovane javnosti u postupku pripreme pravnih propisa i drugih akata u Kantonu Sarajevo.

Kada je u pitanju web portal Vlade Republike Hrvatske - savjetovanja.gov.hr, zakonodavni okvir za korištenje ovog sistema uspostavljen je Zakonom o pravu na pristup informacijama (NN 85/2015), kroz odredbe člana 11. koji navodi da: "Savjetovanje s javnošću tijela državne uprave provode preko središnjeg državnog internetskog portala za savjetovanja s javnošću, a druga državna tijela, jedinice lokalne i područne (regionalne) samouprave i pravne osobe s javnim ovlastima preko internetske stranice ili preko središnjeg državnog internetskog portala za savjetovanje s javnošću, objavom nacрта propisa, općeg akta odnosno drugog dokumenta, s obrazloženjem razloga i ciljeva koji se žele postići donošenjem propisa, akta ili drugog dokumenta te pozivom javnosti da dostavi svoje prijedloge i mišljenja."

Uspostavljanje web portala putem kojeg bi se provodile konsultacije, odnosno javne rasprave prilikom donošenja zakona u Kantonu Sarajevo, također bi podrazumijevalo prethodno usklađivanje



pravnog okvira koji bi omogućio provođenje konsultacija, odnosno javnih rasprava na način kako je to navedeno u predmetnoj inicijativi.

Pored toga, općenito kada je u pitanju ostvarivanje prava građana i pružanje javnih usluga elektronskim putem, pa tako i u slučaju učešća građana u konsultacijama, odnosno javnoj raspravi putem web portala, prethodno je potrebno osigurati odgovarajuće tehničke preuslove, te donijeti propise kojima bi se, između ostalog, definisao način identifikacije, odnosno autentifikacije korisnika.

S poštovanjem,

Dostaviti:

1. Naslovu;
2. Stručna služba Vlade Kantona Sarajevo - na znanje;
3. a/a.

